



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____
Tešanj, _____.

PRIJEDLOG

Na osnovu člana 41. do člana 51. Zakona o prostornom uređenju i građenju ZE-DO Kantona ("Službene novine ZE-DO Kantona", broj 1/14), odredbi Uredbe o jedinstvenoj metodologiji za izradu dokumenata prostornog uređenja ("Službene novine FBiH", broj: 63/04, 50/07 i 84/10), člana 8. i člana 13. Zakona o principima lokalne samouprave u Federaciji BiH ("Službene novine FBiH", broj: 49/06), člana 14. Statuta općine Tešanj ("Službeni glasnik općine Tešanj", broj: 11/07), Općinsko vijeće Tešanj na svojoj _____ redovnoj sjednici održanoj dana _____ 2019. godine, donosi

O D L U K U

**O IZMJENI I DOPUNI ODLUKE O PRISTUPANJU IZRADI
PROSTORNOG PLANA OPĆINE TEŠANJ ZA PERIOD 2020-2040**

Član 1.

Pristupa se Izmjeni i dopuni Odluke o pristupanju izradi Prostornog plana općine Tešanj ("Službeni glasnik Općine Tešanj", broj: 8/18).

Član 2.

Ovom Odlukom se mijenja član 6. tako da sada glasi;

"Rok za izradu Plana utvrdit će se nakon potpisivanja Ugovora sa nosiocem izrade Plana. Plan će se raditi po fazama izrade Prostornog plana kako slijedi:

I FAZA – Izrada prostorne osnove,

II FAZA – Izrada prednacrt, nacrt i prijedloga Plana.

Rokovi izrade po fazama će se utvrditi u Programu i planu aktivnosti za pripremu i izradu Prostornog plana."

Član 3.

Ovom Odlukom se mijenja član 9. tako da sada glasi;

"Izrada Plana iz člana 1. ove Odluke povjerit će se, Kantonalnom zavodu za urbanizam i prostorno uređenje Zenica koje je u sastavu Ministarstva za prostorno uređenje, promet i komunikacije i zaštitu okoline Ze-Do kantona".

Član 5.

Ovom Izmjenom i dopunom ne mijenja se osnovni koncept Odluke, te u ostalom dijelu Odluka o pristupanju izradi Prostornog plana općine Tešanj ("Službeni glasnik Općine Tešanj", broj: 8/18) ostaje nepromijenjena.

Član 6.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

PREDSJEDAJUĆI
OPĆINSKOG VIJEĆA

SENAD Subašić, dipl. oec.

Obrazloženje

PRAVNI OSNOV:

Član 41. do člana 51. Zakona o prostornom uređenju i građenju ZE-DO Kantona ("Službene novine ZE-DO Kantona", broj: 1/14), odredbe Uredbe o jedinstvenoj metodologiji za izradu dokumenata prostornog uređenja ("Službene novine FBiH", broj; 63/04, 57/07 i 84/10), član 8. i član 13. Zakona o principima lokalne samouprave u Federaciji BiH ("Službene novine FBiH", broj; 49/06) i član 14. Statuta općine Tešanj ("Službene glasnik općine Tešanj", broj: 11/07).

RAZLOZI DONOŠENJA:

Nakon što je Općinsko vijeće Tešanj na svojoj 23.sjednici održanoj 30.11.2018.godine donijelo Odluku o pristupanju izradi Prostornog plana općine Tešanj ("Službeni glasnik Općine Tešanj", broj; 8/18) Nosilac pripreme Plana pokrenuo je aktivnosti na odabiru nosioca izrade i formiranju Savjeta Plana. Zakonom o prostornom uređenju i građenju Ze-Do kantona" broj: 1/14) članom 21. definisano je da stručne poslove izrade planskih dokumenata mogu vršiti upravne organizacije kojima su zakonom ili odlukom o osnivanju povjereni poslovi izrade planskih dokumenata ili, u suprotnom, nosilac pripreme može izvršiti odabir u skladu sa odredbama Zakona o javnim nabavkama. Nosilac pripreme je ostvario kontakte sa Kantonalnom zavodom za urbanizam i prostorno uređenje Zenica koje je upravna organizacija u sastavu Ministarstva za prostorno uređenje, promet i komunikacije i zaštitu okoline Ze-Do kantona koje je izrazilo spremnost za izradu navedenog Plana.

OBRADIVAČ:

Služba za katastar, urbanizam i imovinsko- pravne
poslove

POMOĆNIK OPĆINSKOG NAČELNIKA

NADIR Medarić, dipl. ing. geodezije

PREDLAGAČ:
OPĆINSKI NAČELNIK:
OPĆINE TEŠANJ

Mr. sci. SUAD Huskić

Broj: 01-23-6-2453-6/18
Dana, 16.04.2019.g.



SLUŽBENI GLASNIK

OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.klepica@opcina-tesanj.ba	Godina LI - Broj 8 Ponedjeljak, 10.12.2018.godine T E Š A N J	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
---	--	--

Na osnovu člana 41. do člana 51. Zakona o prostornom uređenju i građenju ZE-DO Kantona ("Službene novine ZE-DO Kantona", broj: 1/14) i člana 14. Statuta općine Tešanj ("Službeni glasnik Općine Tešanj", broj: 11/07) Općinsko vijeće Tešanj na svojoj 23 sjednici održanoj dana 30.11.2018. godine, donijelo je:

ODLUKU O PRISTUPANJU IZRADI PROSTORNOG PLANA OPĆINE TEŠANJ ZA PERIOD 2020-2040

OPĆE ODREDBE

Član 1.

Pristupa se izradi Prostornog plana općine Tešanj za period 2020-2040 (u daljem tekstu Plan).

Član 2.

Plan se donosi na period od dvadeset (20) godina.

Član 3.

Postupak izrade Plana provest će se na način utvrđen Zakonom o prostornom uređenju i građenju ZE-DO Kantona ("Službene novine ZE-DO Kantona", broj: 1/14 i 1/16) i Uredbom o jedinstvenoj metodologiji za izradu dokumenata prostornog uređenja ("Službene novine FBiH", broj: 63/04).

GRANICE OBUHVATA

Član 4.

Područje za koje se vrši izrada Plana obuhvata cjelokupno područje općine Tešanj, poštujući usvojene odluke urbanističkih i detaljnih planskih dokumenata.

SMJERNICE ZA IZRADU

Član 5.

Program i plan aktivnosti za pripremu i izradu Plana izraditi će Nosilac pripreme u saradnji sa Nosiocem izrade Plana.

Smjernice za izradu Plana daju nosioci uređenja prostora u skladu sa programom i planom aktivnosti za pripremu i izradu Plana.

Sastavni dio Programa i plana aktivnosti za pripremu i izradu Plana je i Program uključivanja javnosti u proces pripreme i izrade Plana.

ROK ZA IZRADU

Član 6.

Rok za izradu Plana je godinu dana od dana stupanja na snagu ove Odluke.

Plan će se raditi po fazama izrade Prostornog plana kako slijedi:

I FAZA – PRIPREMA IZRADJE PLANA - izrada Programa i plana aktivnosti za pripremu i izradu Plana, - donošenje smjernica za pripremu i izradu Plana,

II FAZA – Izrada prednacrt, nacrt i prijedloga Plana.

III FAZA – Donošenje Plana čiji je sastavni dio Odluka o provođenju Prostornog plana općine Tešanj za period od 2020. do 2040. godine.

Rokovi izrade po fazama će se utvrditi u Programu i planu aktivnosti za pripremu i izradu Prostornog plana.

SREDSTVA ZA IZRADU

Član 7.

Sredstva za izradu Plana iz člana 1. ove Odluke

obezbijedit će općina Tešanj iz budžeta 2018 i 2019.godine.

NOSILAC PRIPREME I NOSILAC IZRADE PROSTORNOG PLANA

Član 8.

Nosilac pripreme za izradu Plana je Općinski načelnik i Služba za katastar, urbanizam i imovinsko-pravne poslove općine Tešanj. Nosilac pripreme Plana je dužan osigurati saradnju i usaglašavanje sa svim subjektima planiranja.

Član 9.

Izrada Plana iz člana 1. ove Odluke povjerit će se, putem postupka javne nabavke, nosiocu izrade koji je ovlašten za izradu planske dokumentacije i nalazi se u registru privrednih društava i drugih pravnih lica ovlaštenih za obavljanje stručnih poslova izrade planskih dokumenata, a kojeg odabere općina.

Član 10.

Nosilac pripreme Plana će posebnim aktom formirati Savjet plana sastavljen od stručnih, naučnih, javnih i drugih lica za potrebe stručnog praćenja, usmjeravanja i utvrđivanja koncepta prostornog uređenja Prostornog plana i druge aktivnosti u ime nosioca pripreme za izradu Prostornog plana.

Član 11.

Nosilac pripreme Plana će Nacrt Prostornog plana staviti na javni uvid i raspravu u trajanju koje će biti utvrđeno Programom i planom aktivnosti za pripremu i izradu Plana. Detalje javnog uvida i rasprave Nosilac pripreme Plana će oglasiti putem sredstava javnog informisanja. Nakon sumiranja rezultata javne rasprave Nosilac pripreme će putem Nosioca izrade Plana pripremiti Prijedlog Plana i dostaviti Općinskom vijeću radi donošenja. Uz prijedlog Plana Nosilac pripreme je dužan Općinskom vijeću dostaviti uz obrazloženje prijedloga i mišljenje na Nacrt Plana data kroz javnu raspravu a koja nisu mogla biti prihvaćena. Prije donošenja Plana, Nosilac pripreme je dužan pribaviti mišljenje Ministarstva za prostorno uređenje, promet i komunikacije i zaštitu okoline zeničkodobojskog kantona o usaglašenosti sa Prostornim planom Kantona.

Član 12.

Nosilac pripreme Plana će obezbijediti uslove da se Nosiocu izrade Plana stavi na raspolaganje

dokumentacija relevantna za izradu Plana, a naročito dokumentacija šireg područja, poljoprivredne i šumskoprivredne osnove, strategija razvoja općine Tešanj 2018-2022.godine, planovi razvoja privrede, poljoprivrede, saobraćaja, podatke o geološkim osobinama terena i drugo.

Član 13.

Nosilac izrade Plana dužan je svaku fazu Plana izraditi u skladu sa zakonom, propisima donesenim na osnovu zakona te u skladu sa ovom Odlukom i svim drugim relevantnim propisima i podacima koji su značajni za područje općine Tešanj.

Član 14.

Nosilac izrade Plana dužan je svaku fazu Plana izraditi u skladu sa podacima koji su mu stavljeni na raspolaganje i pribavljeni od nadležnih organa i organizacija u toku rada na izradi Plana. Nosilac izrade Plana mora osigurati usaglašenost Plana sa dokumentom prostornog uređenja šireg područja.

Član 15.

Nosilac pripreme Plana dužan je osigurati saradnju i usaglašavanje stavova sa subjektima planiranja, odnosno sa relevantnim učesnicima u njegovoj izradi, a naročito sa nadležnim organima uprave, društvenim i drugim pravnim licima nadležnim za vodoprivredu, šumarstvo, poljoprivredu, saobraćaj, kulturu, zaštitu kulturno-historijskog i prirodnog nasljeđa, zaštitu okoline, organima nadležnim za odbranu, privrednom komorom, društvima i drugim pravnim licima nadležnim za komunalne djelatnosti, predstavnicima vjerskih zajednica i korisnicima prostora, te pribaviti mišljenja i saglasnosti nadležnih organa i organizacija na koje ih zakon obavezuje.

Nosilac pripreme Plana može dio aktivnosti na pripremi dokumenata prostornog uređenja povjeriti Nosiocu izrade Prostornog plana a što se uređuje posebnim ugovorom.

PRIJELAZNE I ZAVRŠNE ODREDBE

Član 16.

Do usvajanja Plana iz člana 1. ove Odluke primjenjivat će se odredbe Prostornog plana općine Tešanj, Odluke o provođenju izmjena i dopuna prostornog plana općine Tešanj ("Službeni glasnik općine Tešanj", broj: 7a/09) i Odluka o izmjeni i dopuni odluke o provođenju izmjena i dopuna prostornog plana općine Tešanj ("Službeni glasnik općine Tešanj", broj: 10/17).

Član 17.

Ova Odluka stupa na snagu narednog dana od dana objavljivanja u "Službenom glasniku općine Tešanj".

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Senad N. Subašić****Broj: 01-23-6-2453-2/18****Datum: 04.12.2018.godine**

Na osnovu člana 32. Zakona o principima lokalne samouprave Federacije Bosne i Hercegovine (Službene novine Federacije BiH, broj:49/06), člana 59. Statuta Općine Tešanj (Službeni glasnik općine Tešanj, broj:11/07) Općinsko vijeće Tešanj na svojoj 23. sjednici održanoj dana 30.11.2018. godine, donijelo je

ODLUKU**o raspuštanju organa Mjesne zajednice Bobare, Drinčići, Blaževci i imenovanju povjerenika****Član 1.**

Općinsko vijeće raspušta izabrane organe Mjesne zajednice Bobare, Drinčići, Blaževci, Skupštinu i Savjet mjesne zajednice Bobare, Drinčići, Blaževci i nalaže izbor novih organa.

Član 2.

Za povjerenika u Mjesnoj zajednici Bobare, Drinčići, a navedeno zemljište upisati sa pravom posjeda Blaževci imenuje se **Kanita Gredelj**.

Član 3.

Povjerenik će obavljati poslove organa mjesne zajednice do provođenja izbora novih organa po proceduri predviđenoj Statutom Općine Tešanj shodno izbornim rezultatima ostvarenim na općinskim izborima, a prema rezultatima i volji biračkog tijela mjesne zajednice.

Član 4.

Rok za provođenje postupka izbora novih organa mjesne zajednice je 45 dana.

Član 5.

Ova Odluka stupa na snagu danom donošenja i objavit će se u „Službenom glasniku Općine Tešanj“.

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Senad N. Subašić****Broj: 03-05-3-2241-3/18****Datum: 05.12.2018.godine**

Na osnovu člana 13. stav 2. alineja 5. i člana 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09), člana 10. Zakona o cestama FBiH ("Službene novine FBiH", broj:12/10, 16/10 i 66/13) i člana 14. Statuta Općine Tešanj ("Službeni glasnik Općine Tešanj", broj:11/07), Općinsko vijeće Općine Tešanj, na svojoj 23. sjednici, održanoj dana 30.11.2018. godine, donosi

ODLUKU**o gubitku statusa Javnog dobra-put****Član 1.**

Utvrđuje se da je izgubilo status Javno dobro-put zemljište označeno kao k.č.broj:1117/3 površine 136 m2 upisana u zk uložak broj:1286 K.O. Novo Selo, po novom premjeru zemljište označeno kao k.p. broj:1117/3 površine 136 m2 upisana u PL 117 K.O. Novo Selo.

Član 2.

Zemljišno knjižni ured brisat će izvršen upis zemljišta iz predhodnog člana kao nekretninu Javno dobro-put, a navedeno zemljište upisati sa pravom vlasništva Općina Tešanj sa dijelom 1/1. Katastarski ured brisat će izvršen upis zemljišta iz predhodnog člana kao nekretninu Javno dobro put, a navedeno zemljište upisati sa pravom posjeda Općina Tešanj sa dijelom 1/1.

Član 3.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**OPĆINA TEŠANJ
OPĆINSKO VIJEĆE****PREDSJEDAVAJUĆI VIJEĆA
Senad N. Subašić****Broj: 01-31-1-3940-32/17****Datum: 04.12.2018.godine**

